

Soluziun

a) chavels, cheu, sains, ögls, bratscha

b)

- Soluziun pussibla: La poesia es üna poesia d'amur, ingio cha'l eu poetic exprima che sentimaints cha parts dal corp dal tü (teis chavels, teis sains, teis ögls, tia bratscha), la duonna amada, svaglian in el.
- Andri Peer es nat als 19 december 1921 a Sent. Davo il Seminari da magisters a Cuoir, ha'l stübgia a partir dal 1943 linguas e litteraturas romanas a Turich e Paris. L'on 1951 ha el promovü cun üna dissertaziun davart il tema 'Beiträge zur Terminologie des Bauernhauses in Graubünden'. Magister gimnasial a Winterthur 1952-83. Peer es stat ün important liriker, narratur, dramatiker, essaist e publicist rumantsch. Tanter il 1946 ed il 1985 ha el publichà numerusas ouvras liricas (p.p. sinopticas rum.-tud.), tanter quellas 'Suot l'insaina da l'archèr' (1960), 'La terra impromissa' (1979) ed 'Insainas' (1984). Suot l'influenza da la lirica europeica moderna (simbolissem, hermetissem) ha el sviluppà novas fuormas da lirica rumantscha in vers libers. Tematicamaing centralas per l'ouvra da Peer sun la mitologia da la natüra e dals perdavants, la regordanza e'l sömme sco eir eros e la cuolpa. Andri Peer es mort als 2 gün 1985 a Winterthur. (Clà Riatsch, 'Andri Peer', in: Lexicon Istoric Retic)